



Avisu púbbricu "Assisténtzia educativa iscolàstica" 2024/2025

Su Comunu de Gésturi fait isciri ca at pubbricau su bandu "Assisténtzia educativa iscolàstica" 2024/2025, est a narri su servítziu de assisténtzia educativa iscolàstica ispecialística po favoressi su deretu a s'istrutzioni e a s'integratzioni de is istudentis cun disabblidadis. Su progetu punnat a favoressi sa comunicatzioni, is relatas intra personis e s'imparu, de manera de ammanniai s'autonomia de is chi ndi tenint abbisóngiu.

Is atividadis funt cuncordadas impari a su personali iscolàsticu e sanitàriu, e a is famíllias, e punnat a creai unu progetu educativu individuali o unu progetu didàticu personalizau po dónnia istudenti, aparicendi unu sistema de atividadis educativas de fai intru de is oras de iscola, o fintzas in is foras de s'oràriu, sighendi is inditus de sa Lei 104/92 art.13 e D.lgs. 112/98 art. 139 e ss..

Su Comunu de Gésturi donat su servítziu a totus is istudiantis chi tenit sa certificatzioni ex art.3 commas 1 e 3 L. 104/92 residentis in su Comunu de Gésturi chi funt in is iscolas istatalis e paritàrias de s'infàntzia primària e secundària de primu gradu. Po is istudentis chi funt residentis in àterus comunus, ma andant a iscola in Gésturi, imbecis, su servítziu est cuncordau po mori de una cunventzioni intra su comunu de Gésturi e su comunu de residéntzia, e est apariciu sighendi sa L.R. n.1/2009 art. 3 comma 18 e ss.mm. po sa gestioni de is fundus.

No faint parti de su servítziu:

- s'assisténtzia materiali, est narri agodramentu e acumpangiamentu aintru e a foras de

s'iscola, francu is interventus cuncordaus cun su Comunu po is istudentis chi tenit disabbilidadi manna e abbisóngius cumplessus;

- is prestatzionis didàticas de cumpeténtzia d'istitutu iscolàsticu;
- is prestatzionis sanitàrias (donai mexinas, fai terapias) de cumpeténtzia de s'ATS e de is istruturas.

Podint fai sa domanda:

- is istudentis chi tenint disabbilidadi certificadas ex art. 3 commi 1 e 3 Legge 104/92;
- is istudentis chi tenint svantàgiu sotziali ex art. 139 c.1 D. Lgs 112/98, discumbeniu personali, sotziali-educativu, linguísticu e culturali chi resurtant de is relatas de su personali de s'iscola e de is certificatzionis sanitàrias.

Po partetzipai tocat a intregai sa domanda a s'Uffítziu de su Protocollo a sa PEC intra 23 de Austu de su 2024.

S'Uffítziu de is Servítzius Sotzialis arricit totu is domandas de is famíllias chi tenint sa Lei 104/92, e s'elencu de is istudentis chi tenint disabbilidadi, e po dónniunu is oras chi ddi serbint, de su direttore de s'iscola. Is Servítzius Sotzialis cuncordant su tanti de oras impari a s'iscola e apustis pùbbri cant s'elencu in su situ istituzionali cun su Númuru de Protocollo e is oras chi ddis ant donau.

Si intru de 20 diis nemus fait osservatzionis, su Comunu fait paritiri su servítziu.

Su bandu e is módulus po fai sa domanda s'agant in su situ istituzionali de su Comunu de Gésturi:

- <https://www.comune.gesturi.su.it/novita/presentazione-domande-servizio-assistenza-educativa-specialistica-scolastica-a-s-2024-2025/>

SA MARMIDDA CHISTIONAT IN SARDU - Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.